

Cynigion a Gwelliannau i'w Trafod ar 13 Ionawr 2004

Cynigion a gyflwynwyd ar 6 Ionawr 2004

NDM1761 Karen Sinclair (De Clwyd)

Cynnig bod Cynulliad Cenedlaethol Cymru:

Yn ystyried egwyddor Gorchymyn Cynlluniau Iaith Gymraeg (Cyrff Cyhoeddus) 2004, y gosodwyd copi ohono yn y Swyddfa Gyflwyno ar 25 Tachwedd 2003

NDM1762 Karen Sinclair (De Clwyd)

Cynnig bod Cynulliad Cenedlaethol Cymru:

1. Yn ystyried adroddiad y Pwyllgor Deddfau, a osodwyd yn y Swyddfa Gyflwyno ar 2 Rhagfyr 2003 mewn perthynas â'r gorchymyn drafft, Gorchymyn Cynlluniau Iaith Gymraeg (Cyrff Cyhoeddus) 2004 ac

2. Yn cymeradwyo bod Gorchymyn Cynlluniau Iaith Gymraeg (Cyrff Cyhoeddus) 2004 yn cael ei wneud yn unol â'r drafft a osodwyd yn y Swyddfa Gyflwyno ar 25 Tachwedd 2003, a'r Arfarniad Rheoliadol a osodwyd yn y Swyddfa Gyflwyno ar 26 Tachwedd 2003.

NDM1763 Karen Sinclair (De Clwyd)

Cynnig bod Cynulliad Cenedlaethol Cymru yn penderfynu:

1. Y bydd Pwyllgor, a adwaenir fel Pwyllgor Penderfyniadau Cynllunio (2) 2003-2, yn cael ei sefydlu, yn unol â Rheol Sefydlog 35, i gyflawni swyddogaethau'r Cynulliad o dan adran 79 (1) o Ddeddf Cynllunio Gwlad a Thref 1990 mewn perthynas â'r mater a nodir yn yr Atodlen i'r cynnig hwn (ynghyd â, yn achos y trydydd mater a nodir yn yr Atodlen, swyddogaethau'r Cynulliad o dan adran 22 o Ddeddf Cynllunio (Adeiladau Rhestredig ac Ardaloedd Cadwraeth) 1990) ac y bydd swyddogaethau'r Cynulliad yn hynny o beth yn cael eu dirprwyo i'r Pwyllgor hwnnw;

2. Dyma fydd aelodau'r Pwyllgor hwnnw:

Carwyn Jones, AC (Cadeirydd)

Irene James AC

Alun Ffred Jones AC

Brynle Williams AC

3. Bydd y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 35.16, neu ar 23 Ionawr 2004, pa un bynnag a ddaw gyntaf.

4. Os bydd y Pwyllgor yn dod i ben heb i'r Cadeirydd lofnodi'r llythyr penderfynu mewn perthynas â'r mater a nodir yn yr Atodlen i'r cynnig hwn, bydd y swyddogaethau a nodir ym mharagraff 1 uchod, mewn perthynas â'r cyfryw fater, yn cael eu dirprwyo i Brif Weinidog Cymru.

Atodlen

- Cais cynllunio gan Community Power Ltd i godi tyrbinau gwynt ar dir yn Ffermydd Ton Mawr a Chastell, ger Margam, Port Talbot.
- Ceisiadau cynllunio gan Bellway Homes am ddatblygiadau preswyl a man agored cyhoeddus cysylltiedig, fydd yn cynnwys darparu ffordd gyswllt ar dir rhwng ffordd yr A48 a Ffordd Llanilltud Fawr, y Bont-faen (ceisiadau rhif 01/00826/out a 02/01617/out)
- Cais cynllunio gan Gryphon Corporation am ddrws allanol newydd i'r fynedfa ac apêl caniatâd adeilad rhestredig am ddrws allanol newydd a gwahanfur mewnol yn yr Asgell Ganol, Plas Trawsgoed, Aberystwyth

NDM1764 Karen Sinclair (De Clwyd)

Bod y Cynulliad Cenedlaethol, yn unol â Rheolau Sefydlog 8.4 ac 11.1, yn ethol Tamsin Dunwoody-Kneafsey (Llafur) i'w Bwyllgor Deddfau yn lle Catherine Thomas (Llafur)

NDM1765 Karen Sinclair (De Clwyd)

Bod y Cynulliad Cenedlaethol, yn unol â Rheolau Sefydlog 8.4 a 14.3, yn ethol Laura Jones (Ceidwadwyr) i'w Bwyllgor Cyfle Cyfartal yn lle Lisa Francis (Ceidwadwyr).

NDM1766 Karen Sinclair (De Clwyd)

Cynnig bod y Cynulliad, yn unol â pharagraffau 1(1) a 4 o Atodlen 11 o Ddeddf Llywodraeth Cymru 1998, yn penodi'r person canlynol i fod yn aelod o'r Cyngor Partneriaeth Llywodraeth Leol:

Mr John Antoniazzi (Awdurdod Heddlu Dyfed Powys) yn lle'r Cyngh. Malcolm King (Awdurdod Heddlu Gogledd Cymru)

NDM1767 Karen Sinclair (De Clwyd)

Cynnig bod Cynulliad Cenedlaethol Cymru, gan weithredu o dan Reol Sefydlog 22.25:

1.

a) Yn ystyried adroddiad y Pwyllgor Deddfau, a osodwyd yn y Swyddfa Gyflwyno ar 2 Rhagfyr 2003, ar y rheoliadau drafft, Rheoliadau Trwyddedu Rheoli Gwastraff (Diwygio) (Cymru) 2004; ac

b) Yn cymeradwyo bod Rheoliadau Trwyddedu Rheoli Gwastraff (Diwygio) (Cymru) 2004 yn cael eu gwneud yn unol â'r drafft a osodwyd yn y Swyddfa Gyflwyno ar 25 Tachwedd 2003, a'r Arfarniad Rheoliadol a osodwyd yn y Swyddfa Gyflwyno ar 26 Tachwedd 2003.

NDM1768 Karen Sinclair (De Clwyd)

Cynnig bod Cynulliad Cenedlaethol Cymru, gan weithredu o dan Reol Sefydlog 6.5 a 14.2 yn nodi pedwerydd adroddiad blynyddol y Pwyllgor Cyfle Cyfartal a osodwyd yn y Swyddfa Gyflwyno ar 22 Rhagfyr 2003.

NDM1769 Karen Sinclair (De Clwyd)

Bod Cynulliad Cenedlaethol Cymru yn mabwysiadu'r canllawiau diwygiedig ar arfarnu rheoliadol, a e-bostiwyd at Aelodau'r Cynulliad ar 6 Ionawr 2004.

NDM1770 Karen Sinclair (De Clwyd)

Cynnig bod y Cynulliad Cenedlaethol yn sefydlu Pwyllgor Mesur Archwilio Cyhoeddus (Cymru) 2004 yn unol â Rheol Sefydlog 8.1, i ystyried agweddau o'r Mesur Archwilio Cyhoeddus (Cymru), gan gynnwys llythyr y Gweinidog dros Gyllid, Llywodraeth Leol a Gwasanaethau Cyhoeddus dyddiedig 1 Rhagfyr at Gadeirydd y Pwyllgor Mesur Archwilio Cyhoeddus (Cymru). Bydd pump Aelod o'r Cynulliad ar y Pwyllgor, dau o'r Blaid Lafur ac un yr un o Blaid Cymru, y Ceidwadwyr a'r Democratiaid Rhyddfrydol.

Cylch gorchwyl y Pwyllgor fydd:

1. Ystyried Mesur Archwilio Cyhoeddus (Cymru) fel y'i cyflwynwyd ger bron y Senedd ar 27 Tachwedd 2003;

2. Ystyried llythyr y Gweinidog dros Gyllid, Llywodraeth Leol a Gwasanaethau Cyhoeddus dyddiedig 1 Rhagfyr yn adrodd am ymateb Llywodraeth y DU i argymhellion Pwyllgor Mesur Archwilio Cyhoeddus (Cymru) ar y drafft o'r Mesur Archwilio Cyhoeddus (Cymru);

3. Adrodd am ei gasgliadau i'r Cynulliad erbyn 6 Chwefror.

Bydd y Pwyllgor yn dod i ben ar 27 Chwefror 2004.

Gosodwyd manylion y cylch gorchwyl a'r asesiad o'r goblygiadau o sefydlu'r Pwyllgor yn y

Swyddfa Gyflwyno, ac fe'u hanfonwyd at Aelodau'r Cynulliad dros yr e-bost ar 6 Ionawr 2004.

Bydd y ddolen gyswllt isod yn eich arwain at Fesur Archwilio Cyhoeddus (Cymru):

<http://www.publications.parliament.uk/pa/ld200304/ldbills/001/2004001.htm>

Cafodd copi o lythyr 1 Rhagfyr ei anfon at Aelodau'r Cynulliad dros yr e-bost ar 6 Ionawr 2004.

NDM1771 Karen Sinclair (De Clwyd)

Cynnig bod Cynulliad Cenedlaethol Cymru, gan weithredu o dan Reol Sefydlog 8.3 yn ethol yr aelodau canlynol i Bwyllgor Archwilio Cyhoeddus (Cymru) 2004:

Leighton Andrews (Llafur)
Janice Gregory (Llafur)
Janet Davies (Plaid Cymru)
Alun Cairns (Ceidwadwyr)
Jenny Randerson (Democratiaid Rhyddfrydol)

ac yn ethol Janet Davies (Plaid Cymru) i fod yn Gadeirydd y Pwyllgor.

Gwelliannau a gyflwynwyd ar 8 Ionawr 2004

Cynnig bod y Cynulliad yn penderfynu mabwysiadu'r gwelliannau canlynol i gynigion:

NDM1768

Jonathan Morgan (Canol De Cymru)

Dileu 'nodi pedwerydd' a rhoi 'gresynu at bedwerydd' yn ei le.